

604190

南方政府公報

第一輯



南方政府公報

第一一
一

中華民國六年 十二月五號 星期三 第卅一號

軍政府公報

軍政府公報處發行

目錄

命令

中華民國六年十二月四日大元帥令

函電

電

唐元帥致大元帥電

唐元帥致大元帥電

蔣作賓致大元帥電

覃振致大元帥電

廣告

△命令▽

大元帥令

大元帥訓令

令鄧耀停止招撫事宜由

照得廣東何苦多盜歷任官吏非不竭力謀臻肅清卒鮮良効軍府初建設局招撫本意招其桀驁歸於軌範使就工商之業或從干城之選意重弭盜法取安輯前以該局長素著勤慎尤熱心桑梓福利特任命爲廣東招撫局長俾利進行正籌畫安插之時畧有端緒而地方官吏紳於招撫主旨尙多未喻以致遇事扞格奸人乘機假冒以遂其私乃叢謗于招撫甚非設局本旨軍府深知治盜決非可以操切從事而承流布政尤賴吏士用命人民了解既多未喻招撫之良法美意未便強行招撫局事宜著即行停止所有已經派出人員均卽由該局長分令撤回以後治盜事宜卽由地方長官完全負責仍望各地方官熟察致盜之由審喻招撫之計因時利行有厚望焉此令

大元帥印

中華民國六年十二月四日

▲函電▼

電

唐元帥致大元帥電

孫中山先生鑒西林先生皓電敬悉忠言議論足以宣仁人之澤而褫奸雄之胆左繼堯接四督軍巧電亦於勘日復一電文曰急北京馮代總統鈞鑒直隸曹督軍南京李督軍湖北王督軍江西陳督軍鑒接讀四督軍巧電憂國愛民之忱昭然若揭凡有血氣孰不動心繼堯身列其間尤深感應願念我國自政變以來法紀陵夷是非倒置民意橫絕巨變迭乘屢獻忠言迄無成效南方各省不得已乃宣布自主冀以迴奸回之省悟留法治之生機區區護法護國之心當爲天下所共諒乃執政者堅持成見益逞淫威出兵挑戰以殃民借款購械以資國此豈我代總統之所忍出亦豈我全國民之所能安致令同室之中遂以兵戎相見言念及此怒焉心傷夫以國事之飄搖甯堪再事倣擾卽以演黔苦貧瘠亦豈不願稍休惟國家之治安全恃法律爲維繫倘法律得其保障斯國基立可奠安若執政者必叛法而行殘民以逞則南方各省人民甯死於槍林彈雨之中不能偷活於暴戾淫威之下安危利害只在當局一轉移間而已伏乞我代總統默察亂源深維治本勿遷就一人以挽天下之大法勿徇私意以拂全國之輿情則兵氣自消國基自定矣因四督軍公誠懇切之論故敢直陳其愚敬祈垂察等語特錄呈教繼堯叩勸

唐元帥致大元帥電

孫中山先生鑒巧電奉悉愛國匡時具有同情此間主持自是堅持到底謹佈臆以聞繼堯勸印

蔣作賓致大元帥電

廣州孫中山先生鈞鑒段氏禍國神人共憤公等護法興師至深景仰數年來國勢飄搖民黨根基不固所以國家大法屢遭蹂躪此次進行務祈貫徹初衷對於約法國會總統禍首諸閥願聯合西南各省一致主張堅持到底否則暫時敷衍終必紛爭不已公等明達諒早見此芻蕘之言聊供採納蔣作賓東印

覃振致大元帥電

孫大元帥鈞鑒湘城自義軍到後日就安甯各界以軍民兩政主持無人公推聯軍總司令譚皓明兼任湖南督軍湖南總司令程潛任湖南省長會辦軍務程省長業於敬日視事譚督軍尙駐衡州意存辭讓已由各界公推代表歡迎并分電敦勸卽來就任藉資維繫政務廳長已委易象財政廳長已委林祖涵其餘各機關亦將組織就緒潰軍負隅岳州我軍已節節布置待譚督軍就職後卽當大舉捷伐但國人習慣苟安每由誤會調和至無根本廓清之望現段逆雖畏罪潛逃而餘孽及撐要津不無拔除仍滋後患懇大元帥力持正議會商陸唐兩元帥一致主張俾得直搗巢穴鞏固國基芻蕘之獻希採納覃振叩廿八日

▲廣告▼

○軍政府公報處廣告(一)

本公報現暫以長壽直街第四號廖球記代理發行凡內地外埠欲購閱本公報者希逕向該店定購可也此佈

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府公報處廣告(二)

啟者本公報現既出版至第十一號以本號爲止仍照前贈送自第十二號起除各行政公署及各公共團體仍繼續送閱一份外其餘各個人恕不贈送要讀諸公請致函長壽直街第四號本公報代理廖球記定購可也此佈

中華民國六年十月四日

軍政府公報處啟

○大元帥府參軍處啟事

啟者大元帥府之電話號數如左

秘書處二一零零

參軍處副官室庶務科二零四四

衛隊室二零六九

大元帥府參軍處啟

中華民國六年 十二月十號 星期一 第卅二號

軍政府公報

軍政府公報處發行

目錄

函電

電

滇省議會致大元帥電

劉督軍致大元帥電

援閩粵軍陳總司令致大元帥電

劉督軍致大元帥電

劉督軍致大元帥電

唐元帥致大元帥電

大元帥覆唐元帥電

大元帥覆劉唐督電

更正

廣告

函電

電

滇省議會致大元帥電

孫中山先生鑒近日各報紛傳非法政府將與某國訂立軍械借款專利密約有讓渡蘇省鳳凰山鐵礦及某項械廠歸其管理派軍官訓練中國軍隊及聘該國人爲軍事顧問等種種條件非由政府業已派員協商聞之不勝駭詫查此等條件係前次某國所要求二十一條件第五項之一以袁世凱之淫威專制尤具一綫天良密慎辭問未忍滅絕祖國生機雖然允許乃段祺瑞與一般朋比小人如營狗苟竟欲以一手遮蓋天下人耳目貿然私結密約是不惜犧牲民國全體以供其鞏固個人權利之私夫鐵礦械廠爲我國防之命脉今乃拱手授人其尙能一日立國乎况目前正謀收束軍隊以圖統一之時段氏願主張購此大批軍火借此大宗款項意欲何爲者或曰此非爲來年出兵歐洲之計畫不滿欲借此誅鋤異己爲所欲爲且段氏在未與德國宣戰之先卽有此種條約之密議經英文京報之揭載反被其禁錮是其賣國弄奸尤事實之昭然不可掩者也議員等忝爲一方人民代表不忍坐視吾民國淪喪于二三權奸之手謹大聲疾呼申告于我全國同胞段氏之非法政府本爲我全體人民所拒絕則非法政府所結之條約當然爲我國民人民所誓死不承認應請唐督軍陸巡閱使譚劉各督軍迅速進兵討奸懲以救危亡伏祈我代總統及愛國諸公一致主持勿爲奸人所朦蔽不勝急切待命之至雲南省議會及各界同叩

劉督軍致大元帥電

孫中山先生鑒頃據願軍長品珍江電稱本軍助攻重慶由江口過江津後左右翼於冬日午前十時先後佔領白市驛走馬園擊斃敵人退管砲二尊步槍多枝子彈拾餘箱輜重無算現正向浮圖關進攻等語知注特聞劉顯世支印

援國粵軍陳總司令致大元帥電

廣州孫大元帥鑒竊明受任爲攻聞粵軍總司令撥軍二拾營編配出發經於江日就職視事謹此電聞
陳燭明叩支印

劉督軍政大元帥電

孫中由先生鑒頃接王總司令文華來電黃角丫內外連山一帶敵人死力拒守先設堅固工事我軍行戰凡拾三晝夜已將敵人擊潰現正猛力進擊黃角丫立可完全占領重慶自不戰而北刻已準備辦理善後事宜等語特聞劉顯世支印

劉督軍致大元帥電

孫中山先生鑒頃接王總司令文華支電稱頃得前方報告我軍大捷黃角丫已攻下現得各國領事電吳光新周道剛已離重慶秩序由熊克武維持請派官長一員往晤俟商量就緒再行入城已派官長二員前往晤商我軍暫不入城等語特聞劉顯世叩印

唐元帥致大元帥電

孫中山先生鑒滇黔聯軍已於支日攻克重慶吳光新周道剛率所部離渝我軍即行入城維持秩序特電奉聞繼堯魚印

大元帥覆唐元帥電

雲南督軍署轉行營唐元帥黔軍王總司令均鑒頃接冀帥魚電知聯軍已克重慶吳周潛遁捷電遙傳欣喜何極渝關控扼大江實爲天險今既爲我所有則義軍旌旗可以直指東趨望刻日督師出峽聯合荆襄傳檄大江以慰國人之望軍旅賡勞臨電馳念孫文齊

大元帥覆劉督軍電

貴陽劉督軍鑒頃奉歐電知我軍已克重慶捷報遙傳無任忻慶渝關控扼大江夙稱大險今既爲我有則順流東下孰能禦之望促冀帥及電輪司令倫部署協定宜即會萃精銳逕趨宜萬應荆襄而義之師則豫洛淮泗之郊必有起而景附者挽回氣運端在今日惟左右圖之孫文虞

▲更正▼

本公報第三十一號命令類大元帥訓令第一行廣東向苦多盜云云向誤爲何

大元帥訓令第一號

大元帥訓令第一號

大元帥訓令第一號

▲廣告▼

○軍政府公報處廣告(一)

本公報現暫以長壽直街第四號廖球記代理發行凡內地外埠欲購閱本公報者希逕向該店定購可也此佈

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府公報處廣告(二)

啟者本公報現既出版至第十一號以本號爲止仍照前贈送自第十二號起除各行政公署及各公共團體仍繼續送閱一份外其餘各個人恕不贈送愛讀諸公請致函長壽直街第四號本公報處定購可也此佈

中華民國六年十月四日

軍政府公報處啟

○大元帥府參軍處啟事

啟者大元帥府之電話號數如左

秘書處二一零零

參軍處副官室庶務科二零四四

衛隊室二零六九

大元帥府參軍處啟

中華民國六年 十二月十二號 星期三 第卅三號

軍政府公報

軍政府公報處發行